



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK



Vogošća, ul. Jošanička br. 80, tel: 00387 33 586-411

P R A V I L N I K

**O DODJELI SREDSTAVA OBRAZOVNIM USTANOVAMA IZ BUDŽETA OPĆINE
VOGOŠĆA**

Vogošća, april 2025. godine

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", br.49/06 i 51/09) i čl. 71. i 125. Statuta Općine Vogošća – („Službene novine Kantona Sarajevo“, broj 27/14 – Prečišćeni tekst i 14/15, 9/20 i 23/24), a u vezi sa tačkom 5. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“ 37/24), Općinski načelnik donosi

PRAVILNIK O DODJELI SREDSTAVA OBRAZOVNIM USTANOVAMA IZ BUDŽETA OPĆINE VOGOŠĆA

Član 1. (Predmet)

Pravilnikom o dodjeli sredstava obrazovnim ustanovama iz Budžeta Općine Vogošća (u daljem tekstu: Pravilnik) sufinansirat će se troškovi odlaska na ekskurziju učenika završnih razreda osnovnih i srednjih škola, kao i projekti koje realiziraju obrazovne ustanove sa područja općine Vogošća (u daljem tekstu: Općina)

Član 2. (Cilj)

Cilj ovog programa je omogućavanje odlaska na ekskurziju učenicima završnih razreda osnovnih i srednjih škola, kao i podrška projektima od značaja za nastavni plan i program obrazovnih ustanova.

Član 3. (Rodno značenje izraza)

Izrazi koji se koriste u ovom Pravilniku, a koji imaju rodno značenje, bez obzira jesu li korišteni u muškom ili ženskom rodu, obuhvataju na jednak način muški i ženski rod.

Član 4. (Uslovi za ostvarivanje prava)

- (1) Pravo na dodjelu sredstava za ove namjenu mogu ostvariti osnovne i srednje škole sa sjedištem na području općine Vogošća.
- (2) Sredstva namjenjena za sufinansiranje odlaska na ekskurziju dodjeljivat će se u okviru školske godine.

Član 5. (Kriteriji)

Obrazovne ustanove ostvaruju pravo na dodjelu sredstva iz člana 1. ovog Pravilnika na osnovu sljedećih kriterija:

- a) Da su opravdali ranije dodjeljena sredstva iz Budžeta Općine Vogošća;
- b) Da je program s kojim apliciraju planiran Godišnjim programom rada obrazovnih ustanova.

Član 6. (Javni poziv)

- (1) Sredstva za podršku aktivnostima iz člana 1. ovog Pravilnika dodjeljivat će se na osnovu podnesenih zahtjeva, a u skladu sa objavljenim javnim pozivom.

- (2) Javni poziv se objavljuje na web stranici Općine i ostaje otvoren tokom cijele godine, odnosno do utroška sredstava planiranih za ovu namjenu.
- (3) Zahtjevi za sufinansiranje dostavljaju se službi nadležnoj za oblast obrazovanja (u daljem tekstu: Služba) preporučeno putem pošte ili putem protokola.

Član 7. (Potrebna dokumentacija)

Uz zahtjev potrebno je priložiti:

- a) potvrdu obrazovne ustanove o broju učenika završnih razreda za školsku godinu za koju se traži sufinansiranje troškova ekskurzije;
- b) Plan i program ekskurzije, ukoliko se zahtjev odnosi na ove namjene;
- c) Projekat za koji se traže sredstva iz Budžeta Općine sa finansijskim planom.

Član 8. (Iznos sredstava)

- (1) Iznos sredstava za ekskurzije će se dodjeliti srazmjerno broju učenika završnih razreda, a u minimalnom iznosu od 15 KM odnosno maksimalnom iznosu 20 KM po učeniku.
- (2) Projekti će se sufinansirati u skladu sa raspoloživim sredstvima u Budžetu Općine, a uvažavajući značaj projekta za lokalnu zajednicu i obrazovnu ustanovu, i to u iznosu od minimalno 500 KM do maksimalno 3.000 KM.
- (3) Sredstva iz ovog člana će se uplatiti na račun obrazovnih ustanova.

Član 9. (Postupak dodjele sredstava)

- (1) Dostavljeni zahtjevi će se rješavati po vremenu prispjeća.
- (2) Služba će u roku od 10 (deset) dana od dana prijema zahtjeva utvrditi da li su ispunjeni uslovi za dodjelu sredstava.
- (3) Odobrena sredstva će se doznačiti obrazovnim ustanovama nakon potpisivanja sporazuma o sufinansiranju, putem Službe za finansije.

Član 10. (Pravdanje sredstava)

Obrazovna ustanova je obavezna da u roku od 30 (trideset) dana nakon realizacije planiranih aktivnosti, odnosno najkasnije do kraja kalendarske godine u kojoj su sredstva dodijeljena dostavi finansijski izvještaj sa dokumentacijom o namjenskom utrošku sredstava.

Član 11. (Stupanje na snagu)

Ovaj Pravilnik stupa na snagu narednog dana od dana objave na Oglasnoj ploči i web stranici Općine Vogošća.

Broj: 03-34-489/25
Vogošća, 01.04.2025. godine



Obrazloženje

I Pravni osnov

Pravni osnov za donošenje ove Pravilnika je:

- član 15. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", br.49/06 i 51/09)
- 71. i 125. Statuta Općine Vogošća – („Službene novine Kantona Sarajevo“, broj 27/14 – Prečišćeni tekst i 14/15, 9/20 i 23/24) kojim je određena nadležnost Općinskog načelnika za donošenje pojedinačnih i općih akata iz samoupravnog djelokruga općine.
- tačkom 5. Smjernica o minimalnim standardima dodjele proračunskih sredstava putem transfera i subvencija u Federaciji Bosne i Hercegovine („Službene novine Federacije BiH“ 37/24) definisana je obaveza primjena Smjernica od strane lokalnih zajednica.

II Razlozi donošenja

Nakon završetka osnovnog i srednjeg obrazovanja, veliki broj učenika nije u prilici da obezbjedi sredstva za odlazaka na ekskurziju, te na taj način sa svojim vršnjacima obiđe interesantne destinacije kako u Bosni i Hercegovini, tako i u inostranstvu. Naime, tim učenicima je uskraćena mogućnost da se druže, steknu nova znanja, te razmjene iskustva sa svojim vršnjacima.

U cilju obezbjeđenja pretpostavki da svi učenici, bez obzira na njihov imovinski status, odu na ekskurziju, u Budžetu Općine Vogošća obezbjeđena su sredstva za sufinansiranje troškova ove aktivnosti. Uvažavajući značaj određenih projekata koji se realiziraju u obrazovnim ustanovama, sufinansiranjem istih lokalna zajednica nastoji olakšati realizaciju projekata bitnih za lokalnu zajednicu i obrazovnu ustanovu.

Također, Smjernicama o minimalnim standardima dodjele proračunskih sredstava putem transfera i subvencija u Federaciji Bosne i Hercegovine („Službene novine Federacije BiH“ 37/24) definisani su minimalni standardi dodjele budžetskih sredstava koje budžetski korisnici dodjeljuju putem transfera i subvencija za finansiranje zakonski utvrđenih prava, programa i/ili projekata drugih nivoa vlasti, neprofitnih organizacija i pojedinaca, kao i obavezu primjene istih od strane lokalnih zajednica.

U cilju jasnog definisanja uslova za ostvarivanje pravo, te usklađivanja postojećih akata sa navedenim Smjernicama, pristupilo se izradi ovog Pravilnika.

III Obrazloženje predloženih rješenja

Član 1. definiše predmet regulisanja Pravilnika;

Članom 2. definiše cilj programa;

Član 3. utvrđuje rodno značenje izraza;

Član 4. propisuje uslove za ostvarivanje prava.

Član 5. Propisuje kriterije za dodjelu sredstva;

Član 6. definiše obavezu raspisivanja javnog poziva;

Član 7. propisuje potrebnu dokumentaciju;

Članom 8. definisan je iznos sredstava koja se mogu dodijeliti po podnesenom zahtjevu;

Članom 9. definisan je postupak dodjele sredstava i način podnošenja prigovora;

Članom 10. propisana je obaveza pravdanja dodijeljenih sredstava, kao i način pravdanja;

Članom 11. utvrđuje način stupanja na snagu ovog Pravilnika:

III Finansijska sredstva

Sredstva za sufinansiranje troškova ekskurzije i projekte obrazovnih ustanova obezbijedit će se u Budžetu Općine Vogošća.